

第十六會 般若波羅蜜多分

- 一、當知實無少法可名般若波羅蜜多，超過一切名言道故。甚深般若波羅蜜多，實不可說此是般若波羅蜜多。亦不可說屬彼、由彼、從彼般若波羅蜜多，何以故，慧能遠達諸法實性，故名般若波羅蜜多。P.887
- 二、般若者謂解諸法及知諸法，故名般若。解諸法、知諸法皆不可說，然順有情所知而說，故名般若。般若者謂假施設，般若者非知非不知，非此非餘處，故名般若。P.887
- 三、般若者謂智所行，遠離一切境，智中無實智性，智與智性具不可得。以智實性離名言故，智非智境、非非智境，以智超過一切境故。如是智相實不可說，不可示現。P.889 若能如是如實了知，如實隨覺，是名般若。P.888~890
- 四、般若性不可得，離有無等可得性，無世無出世，是名出世般若，亦名通達般若。P.890 通達者能徧知所有緣起，由諸緣故，諸法得起，故名緣起。P.892
- 五、平等無起故名緣起，謂於是處，起尚非有，況當有滅。隨覺緣起，若順若違，皆不可得，無等起故，說名緣起。P.892 故於一切法無生無滅，如是知見，通達作證，說名盡智。P.893 由何名盡，謂由無盡故名爲盡。P.893
- 六、非此波羅蜜多，有遠彼岸少分可得。甚深般若波羅蜜多隨覺諸法，隨覺通達平等法性是菩提故。隨覺諸法故名菩提。P.894
- 七、有情界者，即是無實有情增語，P.895 非有情中有有情性，有情無故，名有情界，P.895。但由世俗假說爲界，非有情界中可有界性，亦非界性中有有情界。以一切法皆無實性，故不可言有滅有滿。P.896 如是隨覺即名菩提，若能如實無分別者，當知名爲如實見者，非於此中能有取捨，如是隨覺，說名菩提，菩提者即是佛相。P.897
- 八、云何佛相？謂一切相畢竟無相，即是佛相，何以故，畢竟無相，與菩提相自性離故，如是隨覺，說名菩提。P.897 一切有情行菩提行，不知不覺諸法實性，不名菩薩。P.897~898
- 九、一切有情皆是顛倒執著，一切有情皆是遍計所執，皆是虛妄所緣，皆是敗壞自行，皆是無明緣行，非實有情。P.899

- 十、般若波羅蜜多，於一切法都無所依 P.904（般若波羅蜜多是超越現象的，是空性，所言空性即是實性）。般若不陷於淨垢、內外、同異、生滅、常斷、增減的屬性。P.905~907
- 十一、一切法如夢幻泡影，自性都無所有，如是般若波羅蜜多，雖假說有種種自性，而此般若波羅蜜多，實無自性可得宣說。P.907
- 十二、般若波羅蜜多非圓成實，雖假種種言相顯示，而所顯示無性可得。P.908 般若波羅蜜多最爲甚深；深廣無量，無邊功德；本性清淨；諸法無邊際，般若波羅蜜多亦無邊際。P.908
- 十三、般若波羅蜜多，以無邊法、空、無相、無著無染爲所行境，當知即是智所行處，故能遍知一切法。P.912~913
- 十四、時舍利子告善現，云何具壽嘿然無說？善現答言，我於諸法，都無所見，是故我今嘿然無說。又舍利子！我都不見甚深般若波羅蜜多，亦不見有諸菩薩眾，不見能說，不見所說。P.913
- 十五、諸菩薩修行般若波羅蜜多，於一切法都無所行。何以故，以一切法皆是顛倒之所等起，非實、有邪僞虛妄。P.914 菩薩於一切法不顛倒，不起分別，無修無遣，名爲止息之道。P.915~916 菩薩摩訶薩不緣一切法，是行般若波羅蜜多。P.917 遍知一切所緣而行，除遣一切所緣而行。P.917 菩薩遍知一切法所緣本性清淨。P.917 菩薩修行甚深般若波羅蜜多，不可思議，何以故，非心所生故。P.919 菩薩如是學時，不於一切法學。P.921
- 十六、菩薩修行般若波羅蜜多，不起分別，不行一切法合離相、清淨不清淨相、著無著相、開顯不開顯、寂靜不寂靜、遠離不遠離，能如是行，速能圓滿一切智法。P.923~925 一切法無可住，無執藏。P.926
- 十七、手執如是甚深般若波羅蜜多相應法教，是諸菩薩，設不現前蒙佛授記，當知已近蒙佛授記，或復不久當蒙諸佛現前授記。P.926
- 十八、一切法無著無縛，由此亦得無解脫義。P.926 如是法門非諸雜染弊有情類手所能得，非魔羅網所拘繫者之所行地，是性調善極聰慧者之所行地。P.927
- 十九、般若波羅蜜多甚深法門，受持一句，尙獲無量無邊功德，況有於此大般若經能具受持，轉讀書寫，供養流布，廣爲他說，彼所獲福不可思議。P.927